

鐵樵函授醫學

藥物講義

第十一種第一期

藥物學講義

導言第一

惲鐵樵著

相傳本草始於神農。今醫家用藥。藥肆製藥。悉本明李時珍本草綱目。自古迄今。此事之沿革如何。類都不加深究。而淺人炫異復喜。用不經見之藥。以爲能此大不可也。凡藥物用以治人。其效用如何。利害如何。皆當洞澈中邊。小有疑義而妄用之。卽攪奇禍。欲洞澈中邊。除服食之後。觀其反應。更無他法。若用理化學試驗。則不適於應用。例如附子乾薑爲大熱藥。以二物煎汁候冷。今平人服之。則其反應爲純熱象。唇乾舌絳。目赤脈數。可以同時並見。然當其未服時。以寒暑表入藥汁中。則無熱度也。西國近代醫學類多以動物爲試驗。然解剖生理試之於動物。有效藥物之服食後所得結果。禽畜與人仍有不同。例如木鱉子犬得之卽死。人服之並不死也。我國醫學有甚悠久之歷史。絕非他國所

能及凡古人所記皆其經驗所得極可寶貴惜乎二千餘年之中有醫政時甚少而放任時甚多藥物之採取炮製醫生既不過問又復無藥劑師專任其事是此後當注意者一古人所記白是實錄然往往苦於界說不明不難於某病之用某藥難在於某病至某候宜用某藥某病兼某症時不宜用某藥是則病理方面有不容不澈底研究者近有創爲異議以爲舊說不可通皆當廢棄專事研求本草卽得此非是也是今後所當注意者二西國現在所注意者爲特效藥此事不足效法須知生理此呼彼應一處病則他處隨之而呈變異故病決不單純有先病肝胆而後病胃者有先病神經而後病血者有先病腎而後病肺者有重要藏器三五處同時並病者有先病之處爲急性病其繼起之處爲慢性病者有可以預防不使轉屬者有宜兼治雙方並顧者有不治其發病之處而能刻期使其病已者凡欲明瞭此種須病理與方藥合併研究質直言之可謂有特效方無特效藥是今後當注意者三吾人知高麗參爲東洋貨相

率不用矣。豈知半夏附子亦東洋貨邪。此於前數年報紙中偶然見之。其他藥品之由東國來者。當不在少數。局外人未注意調查。局中人以無物可爲替代。則隱忍不言。不必盡屬不肖心理。夫日人之種藥。專爲漁利。不爲醫學。其物用之有效。則知古經所載某藥產某地者。不但地利。今古不同。并可知吾儕不宜墨守舊經。宜從速試種。此事職責在醫生。凡業中醫者。皆當兼治植物學。是今後所當注意者。四余之知醫。由於多病。三十年來。躬所嘗試之藥。在百七十八種。就中下品毒物爲多。多他人所不敢服者。然近日好奇炫異者。流往往用僻藥。且以重量相矜。詡余則以爲苟未洞澈中邊。在己固然未達。不當在人亦當在不欲勿施之列。今茲所述者。僅限於曾經自服。其有他人用之而僨事爲余所目擊者。亦詳注其病狀於各條之下。以資炯戒。又方藥之配製。稍有心得者。亦詳著之於篇。吾所得者。雖寡。然此種經驗。絕非易事。棄之可惜也。所言藥之品性。畏忌。原本古人。而體例稍異。爲途亦窄。名之爲惲氏本草。差爲副其實云。

藥歷撮要第二

舊說本草經神農所作然漢書藝文志無其目平帝紀云元始五年舉天下通知方術本草者有所爲駕一封軺傳遣詣京師樓護傳稱護少誦醫經本草方術數十萬言本草之名蓋見於此或疑其間所載生出郡縣有後漢地名以爲似張仲景華佗輩所爲是又不然也淮南子云神農嘗百草之滋味一日而遇七十毒由是醫方興焉蓋上世未著文字師學相傳謂之本草兩漢以來名醫益衆張機華佗輩始因古學附以新說本草繇是見於經錄然舊經纔三卷藥止三百六十五種至梁陶隱居進名醫別錄亦三百六十五種因而注釋分爲七卷唐顯慶中監門衛長史蘇恭又摭其差謬表請刊定乃命李世勣等與恭參考得失又增一百十四種分門部類廣爲二十卷世謂之唐本草其後後蜀孟昶命學士韓保昇等以唐本圖經參比爲書稍或增廣世謂之蜀本草至趙宋開寶中詔醫工劉翰道士馬志等相與撰集又取醫家常用有效者一百三

十三種而附益之。仍命翰林學士盧多遜等重爲刊定。鏤版摹行。醫者用藥。乃有適從。嘉祐二年八月。詔掌禹錫、蘇頌、林億等再加校正。頗有所增益。凡舊經未有從經史百家及諸家本草采錄者。曰新補。其宋代已用諸書未見無可考證者。從太醫衆論參議別立爲條。曰新定。計舊藥九百八十三種。新補者八十二種。新定者十七種。總新舊一千八十二種。唐永徽中。刪定本草之外。復有圖經、明皇御製天寶單。方亦有圖。因二書失傳。嘉祐六年。詔天下郡縣圖上所產藥。用永徽故事。重命編述。是爲本草圖經。政和六年。曹孝忠等取前此二書。益以蜀人唐慎微所衍證類醫方。更旁摭經史及仙經道書。成政和新修經史證類。備用本草簡稱之曰政和證類本草。卽今所傳最古最完善之書也。

宋代醫政最稱完備。故本草一書。經三次修訂。爲藥千八百十二。其末卷有名未用者計百九十四種。至明天啓中。繆希雍撰本草經疏。歷三十年之久。然後成書。爲藥僅四百九十種子。曰以約失之者鮮矣。夫藥以治病。原非可以貪多務

博爲事者。今其書俱在。學者可自考之。本書但取躬自服食者爲斷。每值曾收良效之品。或目擊服後敗事者。詳言服食後所顯證狀。既不求其完備。亦不注意於體例。蓋存余所經驗爲後來之師資。此爲余一家之言。不但無意務博。亦無意於爲本草經考證箋注也。

傷寒太陽經藥第三

桂枝。桂枝有三種。曰桂。曰牡桂。曰菌桂。一曰筒桂。李時珍本草綱目。謂菌桂卽筒桂。桂枝則在牡桂條下。張石頑本經逢源。謂桂枝是筒桂之枝。不當在牡桂條下。此非實地考查。不可。今姑置之。

寇宗奭本草衍義曰。桂甘辛大熱。素問云。辛甘發散爲陽。故漢張仲景治傷寒表虛。皆須此藥。正合辛甘發散之意。逢源云。仲景治中風解表。皆用桂枝湯。又云。無汗不得用桂枝。其義云何。夫太陽中風。陽浮陰弱。陽浮者。熱自發。陰弱者。

弱衛強陰虛陽必湊之。皆用桂枝發汗。此調其營則衛氣自和。風邪無所容。遂從汗解。非桂枝能發汗也。汗多用桂枝湯者。以之與芍藥調和營衛。則邪從汗去。而汗自止。非桂枝能止汗也。世俗以傷寒不得無汗用桂枝者。非也。一按此說。非是。解見後。一麻黃湯葛根湯未嘗缺此。但不可用桂枝湯。以中有芍藥。酸寒收斂。表腠爲禁耳。若夫傷寒尺脈不至。是中焦營氣之虛。不能下通於衛。故需膠飴加入桂枝湯中。取稼穡之甘。引入胃中。遂名之曰建中。更加黃耆。則爲黃耆建中。借表藥爲裏藥。以治男子虛勞不足。千金又以黃耆建中湯換入當歸。爲內補建中湯。以治婦人產後虛羸不足。不特無餘邪內伏之虞。并可杜陽邪內陷之患。非洞達長沙妙用。難以領會及此。

按石頑所說。有可商之處。傷寒無汗。當然不可用桂枝。其理由如下。傷寒論云。翕翕發熱。絳絳汗出。翕翕形容形寒。絳絳形容汗漏。汗從汗腺出。有分泌神經司啓閉。有感覺神經司寒熱。熱則汗腺開。寒則汗腺閉。二者本相應。今翕翕發

熱。卻又瑟瑟惡寒。是二者均失職也。桂枝性溫。其藥位在肌表。其辛辣之味。含有刺激性。能使顫靡者興奮。因具此條件。故服此藥。恰恰與病相合。能使惡寒罷而汗不漏。若無汗惡寒之病。正苦汗腺閉而不開。集表之體溫無從疏泄。若復用桂枝。則閉者益閉。熱不得解。故發熱無汗之病。期期不可用桂枝也。發熱無汗。用麻黃湯。其中亦有桂枝者。乃因形寒而設。桂枝是副藥。麻黃能開閉發汗。協以桂枝。有兩個意義。其一。取其溫性佐麻黃以驅寒。其二。取其刺激性使汗出之後。啓閉不失職。有一種病。發汗之後。遂漏不止者。單任麻黃不用桂枝之過也。兩力不相消。是藥效之公例。故古方溫涼並用。攻補兼施。能有亢墜韻頡之妙。今云非桂枝能發汗。非桂枝能止汗。則醫者用藥標準難矣。三陰之用桂枝。亦正因漏汗與肌表無陽。陰症之汗與陽症之汗不同。詳後少陰篇。諸建中之用。亦同一個理。凡虛而陽不足。自汗盜汗者。建中爲効甚良。若陰不足者。不但建中不適用。黃耆且是禁藥。詳後黃耆條。

麻黃。麻黃苦溫無毒。去根節湯泡去沫。用其根節。治風寒。出。不止。『本經』主中風。傷寒。頭痛。溫瘧。發表出汗。去邪熱氣。止欬逆。上氣。除寒熱。破癥堅。積聚。逢源云。麻黃微苦而溫。中空而浮。入足太陽。其經循背下行。本屬寒水。而又受外寒。故宜發汗。去皮毛氣分寒邪。以泄寒實。若過發。則汗多亡陽。或飲食勞倦。及襍病自汗。表虛之證。用之。則脫人元氣。禍患莫測。麻黃治衛實之藥。桂枝治衛虛之藥。二物雖爲太陽經藥。其實營衛藥也。心主營血。肺主衛氣。故麻黃爲手太陰肺經之藥。桂枝爲手少陰心經之藥。傷寒傷風而欬嗽。用麻黃桂枝湯。卽湯液之源也。麻黃乃治肺經之專藥。故治肺病多用之。仲景治傷寒無汗。用麻黃湯。有汗用桂枝湯。津液爲汗。汗卽血也。在營卽爲血。在衛卽爲汗。寒傷營。營血不能外通於衛。衛氣閉固。故無汗發熱而惡寒。風傷衛。衛氣不能內護於營。營氣不固。故有汗發熱而惡風。是證雖屬太陽。而肺實受邪氣。蓋皮毛外閉。邪熱內攻。肺氣拂鬱。故用麻黃甘草同桂枝引出營分之邪。

達之於表。佐以杏仁泄肺而利氣。是麻黃湯雖太陽發汗重劑。實爲發散肺經邪鬱之藥也。腠理不密。則津液外泄而肺氣自虛。虛則補其母。故用桂枝同甘草外散風邪以救表。內伐肝木以助脾。皆是脾肺之藥。是則桂枝雖太陽解肌輕劑。實爲理脾救肺之藥也。又少陰證發熱脉沈有麻黃附子細辛湯。少陰與太陽爲表裏。所謂熟附配麻黃。補中有發也。本經云。治溫瘧係濕瘧。乃傳寫之誤。按麻黃能定喘。桂枝能強心。所以能定喘。因散肺中之外感。所以能強心。因固表血液不耗損。石頑說。麻黃手太陰經藥。桂枝手少陰經藥。此卽指藥位與定喘強心之事實適合。可知舊說確有價值。凡學說但能與事實脗合。便放諸四海而準。所謂殊途同歸也。虛則補其母數語。是本內經。但尙未能以學理證明其價值。是當存而不論。惟亦爲吾儕所不可不知者。又麻黃附子細辛湯。極有探討價值。其理稍頤。其說甚長。當於少陰篇細辛條及附子條詳之。

版 所 翻 必
權 有 印 究

鐵樵函授醫學

藥物講義

第十一種 第二期

藥物學講義

第二期

傷寒太陽陽明合病症藥第四

葛根甘平無毒。色白者良。入陽明。表藥生用。胃熱煩渴煨熟用。「本經」主消渴、身大熱、嘔吐、諸痺、起陽氣、解諸毒。逢源云。葛根性升。屬陽。能鼓舞胃中清陽之氣。故本經主消渴、身熱、嘔吐。使胃氣敷佈。諸痺自開。其言起陽氣、解毒者。胃氣升發。諸邪毒自不能留而解散矣。葛根乃陽明經之專藥。治頭痛、眉稜骨痛、天行熱氣、嘔逆、發散解肌、開胃、止渴、宣斑、發痘。若太陽經初病頭痛而不渴者。邪尚未入陽明。不可使用。恐引邪內入也。仲景治太陽陽明合病自利反不利。但嘔者。俱用葛根湯。太陽病下之遂利不止。喘汗脉促者。葛根黃芩黃連湯。此皆隨二經表裏寒熱輕重而爲處方。按症施治。靡不應手神效。又葛根葱白湯爲陽明頭痛仙藥。斑疹已見點。不可用葛根升麻。恐表虛反增斑爛也。又葛根

性輕浮。生用則升陽生津。熟用則鼓舞胃氣。故治胃虛作渴。七味白朮散用之。又清暑益氣湯兼黃柏用者。以暑傷陽明。額顱必脹。非此不能開發也。按葛根之爲兩陽合病藥。不但因傷寒兩陽合病。仲景用此之故。凡形寒發熱。脣燥舌絳。汗出不澈。麻桂均不可用時。得葛根良效。形寒是太陽。化熱是陽明。已見陽明太陽未罷之候也。故知葛根是兩陽藥。凡傷寒陽明症已見。太陽未罷。得葛根良。太陽已罷。純粹陽明經症。得葛根亦良。惟溫病之屬濕溫及伏暑秋邪者。不適用。此當於辨症加之注意。熟讀世補齋醫書者。往往一例橫施。伏暑秋邪得此。反見白痞。則用之不當之爲害也。石頑引邪入裏之說。亦不確。葛根本向外達。無所謂引邪入裏。傷寒純粹太陽症。本當任麻桂。葛根非其治也。斑疹爲必用之藥。亦並非已見點不可用。痧麻均以透達爲主。所懼者是陷。豈有見點不可用之理。惟無論痧麻。舌絳且乾者。爲熱入營分。非犀角地黃不辦。誤用葛

氣以大開肌腠。發泄傷津也。

陽明經藥第五

生石膏 辛甘大寒。無毒。本經主中風寒熱。心下逆氣。驚喘。口乾。舌焦。不能息。腹中堅痛。除邪鬼產乳金瘡。逢源云。人以石膏葛根並爲解利陽明經藥。蓋石膏性寒。葛根性溫。功用詎可不辨。葛根乃陽明經解肌散寒之藥。石膏爲陽明經辛涼解熱之藥。專治熱病。喝病大渴引飲。自汗。頭痛。溺瀉。便閉。齒浮。面腫之熱證。仲景白虎湯是也。東垣云。立夏前服白虎。令人小便不禁。降令太過也。今人以此湯治冬月傷寒之陽明證。服之未有得安者。（按此說大謬）不特石膏之性寒。且有知母引邪入犯少陰。非越脾。大青龍。小續命。中石膏佐麻黃化熱之比。先哲有云。凡病雖有壯熱而無煩渴者。知不在陽明。切弗誤與白虎。本經治中風寒熱。是熱極生風之象。邪火上衝。則心下有逆氣及驚喘。陽明之邪。